

唐
音
統
籤

深日月銷天外帆檣棄海陰榮枯應已定無復繫
浮沈

寫懷

汨沒與辛勤全鍾在此身半生爲下客終老託何
人兩鬢關中改千巖海上春青雲知有路一作非
有礙
自是致無因

寫懷

此生居此世堪笑復堪悲在處有歧路何人無別
離長當多難日愁過少年時窮達多判了休閉錫
白髮

春日言懷

東風萬物新，獨未到幽人。
賦命自多蹇，陽和非不均。
五陵三月暮，百越一家貧。
早誤開眠處，無愁異此身。

同友人夏夜對月

後伏中秋月，高秋滿魄齊。
輪移仙掌外，影下玉繩西。
蟬雀飛多誤，星螢出自迷。
煩蒸鷺頓絕，吟翫畏聞雞。

中秋夜對月

月月勢皆圓，中秋朗最偏。
萬方期一夕，到曉是經年。

年影藏星芒盡光分物狀全惟應苦吟者目斷向
遙天

野步

閒賞步易遠野吟聲自高路無人到跡林有鶴遺
毛物外趣都別塵中心在勞沿溪收墮果坐石喚
飢猿

尋山

躡履復支筇深山草木中隔溪遙避水當塢忽聞
鐘落葉多相似幽禽半不同羣猿呼却散如此異
林翁

登山

信步上鳥道不知身忽高近空無世界當楚見波
濤頂峭松多瘦崖懸石盡牢獼猴呼獨散隔水向
人號

陪鄧州張員外宴白雪樓

高情日日閒多宴雪樓間酒檻江上雨當筵天際
山帶帆分浪色駐樂話朝班豈料羈游者樽前得
解顏

秋日陪陸校書遊玉泉

共愛泉源異頻來不覺勞散光垂草細繁響出風

高沫帶潭花片沙遺浴鳥毛塵間喧與悶須向此
中逃

春夜同厲文學先輩會宿

江漢久分路京闈重聚吟更爲他夜約方盡昔年
心月隔明河遠花藏宿鳥深無眠將及曙多是說
山陰

宿同州厲評事舊業寄華下

從戎依舊地無日見家山地近風沙處城當甸服
間阻河通渭水曲苑帶秦關待月登樓夜何人相
伴閑

冬夜懷真里友人會宿

靜語與高吟
搜人又爽心
各來依帝里
相對似山陰
漏永星河沒
堂寒月影深
從容不易到
莫惜曙鐘侵

冬夜與友人會宿

君初離鴈塞
我久滯雕陰
隔閨俱勞夢
通宵各話心
禁風吹漏出
原樹映星沉
白晝常多事
無妨到曉吟

江上遇友人

關下分離日
杏園花半開
江邊相值夜
榆塞鴈初

來坐久河沉斗吟長月浸杯鱸魚非不戀共有客

程

一作
塵 催

題鄭拾遺南齋

明時無事諫豈是隱明君每值離丹陛多陪宴白

雲門連蕭洞僻地

一作
路

典曲江分滿院皆檉竹

一作

期棲鸞鶴羣

題李昌符豐樂幽居

詩家依闕下野景似山中蘭菊俱含露杉梧爲起
風破門韋曲對淺岸御溝通莫嘆連年屈君須遇

至公

題張喬昇平里居

下馬似無人開門只一身心同孤鶴靜行過老僧
真亂木藏幽徑高原隔遠津匡廬曾共隱相見自
相親

題開明里友人居

城中園外住入望是田家井出深山

一作泉

水關藏

異國花風巢和鳥動雪竹向人斜來往唯君熟鄉
園共海涯

題慈恩寺元遂上人院

竹檻匝回廊城中似外方月雲開作片枝鳥立成

行徑接河漚 兩庭容塔影涼
天台頻去說誰古最
高房

宿靈山蘭若

江心天半寺 一夕萬緣空地出
浮雲上星搖積浪
中滴漚垂閣雨吹檜送帆風
旦夕風聞磬唯應是
釣翁

旅懷

終年唯旅舍 只似已無家
白髮除還出丹霄去轉
餘夏游窮塞路春醉負秦花
應是穹蒼意空教老
若耶

長安寓居

貧寄帝城居交朋日自疎
愁迎離磧馬夢逐出關
書經雨蟬聲盡兼風杵韻餘
誰知江徼塞所憶在
樵漁

長安書情

踈散過閑人同人不在秦
近來驚白髮方解惜青
春僻寺居將遍權門到絕
因行藏如此輩何以謂
謀身

憶江南

南楚西秦遠名遲別歲深
欲歸難遂去闕憶自成

吟雷電閃傾雨猿猱關墮林眠雲機尚在未忍負
初心

憶宛陵舊居

舊憶陵陽北林園近板橋江晴帆影滿野迥鶴聲
遙鳥徑通山市汀扉上海潮秦城歸去夢夜夜到
漁樵

秋日歸舊山

山雲蟬滿樹欲住更何安上國回將晚孤峰別自
難磧遙鴻未到江近夜先寒泉石雖堪戀行人不
願看

重歸江南

無成歸故里不似在他鄉歲月逐流水山川空夕陽
回潮迷古渡遊竹過鄰牆耆舊休存省胡爲止
淚行

一作後四句云岸接迷釣石竹簾認鄰牆耆舊稀存省胡爲止淚行

冬杪歸陵陽別業五首

無媒歸別業所向自乖心閭里故人少田園荒草深
浪翻全失岸竹迸別成林鷗鳥猶相識時來聽
苦吟

眠雲終未遂策馬暫休期上國勞魂夢中心甚別
離冰封巖溜斷雪壓砌松欹骨肉嗟名晚看歸却

淚垂

學劍雖無術吟詩似有魔
已貧甘事晚臨老愛閒
多雞犬唯隨鹿兒童只衣蓑
時因尋野叟狂醉復
狂歌

鄉國亂離後交親半旅游
遠聞誠可念歸見豈無
愁敗葦迷荒徑寒蓑沒壞舟
衡門終不掩倚杖看
波流

游秦復滯燕不覺近衰年
旅貌同柴毀行衣對骨
穿籬寒多啄雀木落斷浮煙
楚夜聞鳴鴈猶疑在
塞天

曲江三月三日

滿園賞芳辰飛蹄復走輪好花皆折盡明日恐無
春鳥避連雲幄魚驚遠浪塵如何當此節獨自作
愁人

秋江霽望

高秋偏入望霽景倍關情落木滿江水離人懷渭
城山高孤戍斷野極暮天平漁父時相問羞真道
姓名

日暮江上

孤帆收廣岫落照在遙峰南北渡人少高低歸鳥

重潮回沙出樹雨過浦沉鐘漁父雖相問那能話
所從

汴上暮秋

獨立長堤上西風滿客衣日臨秋草廣山接遠天
微岸葉隨波盡沙雲與鳥飛秦城寧有素去意自
知歸

客行

日日唯草草此生誰我同故園蒐夢外長路別離
中人事萍隨水年光鳥過空欲吟先落淚多是怨
途窮

江上行

片席隨高鳥連天積浪間葦寬雲不匝風廣雨無
閑戍影臨孤浦潮痕在半山秦原歸未得荏苒滯
江關

東歸次采石江

東下經牛渚依然是故關客程臨岸盡鄉思入鷗
闕雨漲巴天浪雲遮楚國山漁翁知未達相顧不
開顏

泗上早發

獨起無人見長河夜泛時平蕪疑自動落月似相

隨楚外離空早關西去已遲漁歌聞不絕却軫洞
庭思

早發洛中

半夜發清洛不知過石橋雲增中岳大樹隱上陽
遙壑黑初沉月河明欲認潮孤村人尚夢無處暫
停鑣

過故洛城

七百數還窮城池一旦空夕陽唯照草危蝶不勝
風岸斷河聲別田荒野色同去來皆勸客何處問
遺宮

過穆陵關

荒關無守吏亦恥白衣過地廣人耕絕天寒屬下
多東西方自感雨雪更相和日暮聊憐思搖鞭一
放歌

過中條山

徒爲經異岳不得訪靈蹤日盡行難盡千重復萬
重雲垂多作雨雷動半和鐘孤竹人藏處無因覓
本峰

汝州郡樓望嵩山

不共衆山同岌嶷出迥空幾層高鳥外萬仞一樓

中水落難歸地雲離便逐風唯應霄漢客絕頂路
方通

宿華山

異境良難測非仙豈合游星辰方滿岳風雨忽移
洲噴月泉垂壁樓松鶴在樓因知修養處不必在
嵩丘

春暮途次華山下

他皆宴牡丹獨又出長安遠道行非易無圖住自
難離城風已煖近岳雨翻寒此去誰知顧闕吟祇
自寬

登渭南縣樓

近甸名偏著登樓景又寬
半空分太華極目是長
安雪助河流急一作廣
人耕燒色殘閑來時甚少
欲下重凭欄

青山晚望

昔人懷感處此地倍寬消
四海經搖落三吳正寂
寥風移殘燒遠帆帶夕陽
遙欲繼前賢跡誰能似
隱招

題青山館

境槩殊諸處依然是謝家
遺文齊日月舊井照烟

霞水隔平蕪遠山橫度鳥斜無人能此隱來往謾
興嗟

宿青山館

下馬青山下無言有所思雲藏李白墓苔暗謝公
詩刻蟻飛荒野栖鳧宿廣陂東來與西去皆是不
關時

題開琴館

城非宓賤邑館亦號開琴乃是前賢意常留化俗
心代公存綠綺誰更繼清音此迹應無改寥寥畢
古今

登凌敲臺

平蕪望已極
况復倚凌歊
江截吳山斷
天臨楚澤遙
雲帆高出樹
水市迥分橋
立久斜陽盡
無言似寂寥

戊籤四十五許采之二

唐音統籤卷

六百五十二

五言律詩二

過洞庭湖

驚波常不定半日鸞堪斑四顧疑無地中流忽有
山鳥飛應畏墮帆遠却如閒漁父時相引行歌浩
渺間

題汧湖二首

偶得湖中趣都忘隴坻愁邊聲風下鴈楚思浪移
舟靜極亭連寺涼多島近樓吟遊終不厭還似曲
江頭

隴首時無事湖邊日縱吟
游魚來復去浴鳥出還
沉蜃氣藏孤嶼波光到遠林
無人見垂釣暗起洞庭心

奉天寒食書事

處處無煙火人家似暫空
曉陵花落雨寒谷鳥啼
風故里方洲外殘春甸服中
誰知獨西去步步泣途窮

題秦州城

聖澤滋遐徼河堤四向通
大荒收虜帳遺土復秦
風亂燒迷歸路遙山似夢中
此時懷感切極目思

無窮

夏州道中

茫茫沙漠廣漸遠赫連城堡迥烽

一作旗

相見河移

浪旋生無蟬嘶折柳有寇似防兵不耐飢寒迫終

誰

一作雞

至此行

雕陰道中作

五月綏州北途程少鬱蒸馬依羶草聚人抱濁河

澄

邊人多以囊抱水

蹟

一作殭

固長城壘寬深太子陵往來

經此地悲苦有誰能

春日烏延道中

邊窮厄未窮復此邊歸鴻去路多相似行人半不
同山川藏北狄草木背東風虛負男兒志無因立
戰功

經八合坂

躡險入高空初疑勢不窮又緣千嶂盡還共七盤
同下辨東流水平隨北去鴻天然無此道應免患
窮通

下黃耳盤

獨下黃盤路多虞部落連雲晴仍著地樹古自參
天亂鳥飛人上驚麋起馬前行行無郡邑唯見虎

狼煙

過湍溝

一作浦

谷

西去窮胡

一作湖

處崑崖境不常石形相對聳天勢

一條長棧底鳴流水林端歛夕陽雖隨兵馬至未

免畏豺狼

塞外書事

征路出窮邊孤吟傍戍煙河光深蕩塞磧色迥連
天殘日沉鷗外驚蓬到馬前空懷釣魚所未定卜
歸年

出塞門

唐音新集
步步經戎虜防兵不離身山多曾戰處路斷野行人
人暴雨聲同瀑奔沙勢異塵片時懷萬慮白髮數
莖新

隴上書事

城疊

一作

連雲豁人家似隱居樹飛鸚鵡衆川下

鶴鴒踈滴夢關山雨資餐隴水魚誰知江徼客此
景陪相於

銀州北書事

南辭采石遠北背乞銀深磧路雖多險江人不廢
吟鵬休孤堠立鷗向迥沙沉因共邊人熟行行起

戰心

五原書事

西出黃雲外東懷白浪遙
星河愁立夜雷電獨行
朝磧迥人防寇天空屬
避鵬如何非戰卒弓劍不
離腰

塞下三首

胡虜偏狂悍邊兵不敢
閉防秋朝伏弩縱火夜
搜山屬逆風輦振沙飛
獵騎還安西雖有路難
更出陽關

征役已不定又緣無定
河塞深峰砦密山亂犬
羊

唐音統鈔

卷六百五十二

四

戊

多漢卒聞笳泣胡兒擊劍歌番情終未測今昔謾
言和

獨夜長城下孤吟近北辰半天初去屬窮磧遠來
人月暗氛埃積風羶帳幕鄰惟聞防虜寇不語暗
傷神

邊城晚望

廣漠杳無窮孤城四面空馬行高磧上日墮迥沙
中逼曉人移帳當川樹列風迢迢河外路知直去
崆峒

馮門關野望

高關闕獨望望久轉愁人紫塞唯多雪胡山不盡
春河遙分斷野樹亂起飛塵時見東來騎心知近
別秦

隗鷲宮晚望

西顧伊蘭近方驚滯極邊水隨空谷轉山向夕陽
偏磧鳥多依地胡雲不滿天秋風動衰草只覺犬
羊羶

題金山寺

四面波濤匝中峰

一作流

日月鄰上窮如出世下矚

忽驚神刹礙長空鳥船通外國人房房皆疊石風

掃永無塵

貞女祠

何穴藏貞骨荒祠見舊顏
精靈應自在雲雨不相
關落石泉多咽無風樹
盡閒唯疑千古後爲瑞向
人間

陳情獻江西李常侍五首

二十二年遊秦復滯燕
徒陪羣彥後自苦此生
前徑折啼猿樹巖荒噴
月泉東堂曾受薦垂白
志猶堅

浙浙復栖栖人間只自迷
終年愁遠道到老去何

蹊始見紅葉落又聞黃鳥啼不因趨大旆誰肯暫
提携

童蒙即苦辛未識杏園春謾倚無爲日還成不偶
人鄉程長恨遠旅夢亦愁貧天地雖云廣殊難寄
此身

春闈久已滯秋賦又逢停選士疑

一作宜

長阻傷時

自不寧秦城還逐夢楚徼影隨形此去吟雖苦何
人更肯聽

孤立時全塞求名勢轉難身多離下國分合阻長
安越鳥啼春早蠻花送雨寒丘門沾顧重未別欲

關干

旅次滑臺投獻陸侍御

已是鴻來口堪驚却背秦天遙三楚樹路遠兩河
人旅夢難歸隱吟魂不在身霜臺歆豸次賴許往
來頻

投徐端公

無謀尋舊友強喜亦如愁丹桂阻丹懇白衣成白
頭窮吳迷釣業大漠事貧游霄漢期提引龍鍾未
擬休

新年呈友人

一月月相似一年年不同清晨窺古鏡旅貌近衰
翁處世閒難得關身事半空浮生能幾許莫惜醉
春風

贈志空禪師

了了在心中南宗與北宗行高無外染骨瘦是真
容飯野盂埋雪禪雲杖倚松常修不住性必擬老
何峰

贈栖白上人

閒身却不閒日日對天顏已住城中寺難歸海上
山詩傳華夏外偈布市朝間欲問空門事空門豈

有關

贈天台僧

赤城霞外寺不忘舊登年石上吟分海樓中語近
天重遊空有夢再隱定無緣獨夜休行道星辰靜
照禪

隴州旅中書事寄李中丞

三伏客吟過長安未擬還蛩聲

一作驚

秋不動燕別

思仍閉亂葉隨寒雨孤蟬起暮關經時高嶺

一作枕

外來往旆旌間

寄建州姚員外

誣譖遭遐謫明君即自知鄉遥辭劍外身獨向天
涯嶺埃蠻雲積闕空瘴雨垂南來終不遂日探北
歸期

寄睦州侯郎中

三體唐詩作寄睦州注
云陸名眩案嘗爲其從事

下國多高趣終年半是吟海濤通越分部伍雜闕

音曉郭雲藏市春山鳥護林東浮

一作

雖未遂日

日至中心

寄華陰劉拾遺

堅心持諫評自古亦艱難寄邑難行化眠雲似去
官河分中野斷岳入半天寒瀑布冰成日誰陪吟

復看

寄黔南李校書

從戎巫峽外吟興更應多
郡響蠻江漲山昏蜀雨
過公筵饒越味俗土尚巴歌
中夜懷臯夢知驚作
經 灩澦波

寄盤屋薛能少府

滿縣唯雲水何曾似近畿
曉庭禽集慣寒署吏衙
綠水色封深澗樵聲出翠微
時聞迎隱者依舊著
山衣

寄廬山賈處士

時泰亦高眠人皆謂不然窮經休望辟餌木止期
仙彭蠡波涵月鐘峰雪照天常聞風雨夜到曉在
漁船

寄趙能卿

我命同君命君詩似我詩俱無中道計各失半生
期素業滄江遠清時白髮垂蹉跎一如此何處卜
栖遲

寄江上弟妹

無成歸未得不是不謀歸垂老登雲路猶勝守釣
磯大荒身去數窮海信來稀孤立皆難進非關命

獨遠

寄敬亭山清越上人

南朝山半寺
眺故鄉鄰嶺上非無主
秋詩復有人
高禪星月近
野火虎狼馴
舊許陪閑社
終應待此身

戊籤四十五許棠之三

唐音統籤卷

六百五十三

五言律詩三

下第歸東留別鄭侍郎

無才副至公豈是命難通
分合吟詩老家宜逐浪
空別心懸闕下歸念極
吳東唯畏重回日初情恐
不同

東歸留辭沈侍郎

一第久乖期深心

一作終身

已自疑滄江歸恨遠紫閣

別愁遲稽古成何事龍鍾負已知
依門非近日不慮舊恩移

留別故人

孤立本不偶，非唯今所難。無門

一作聞

聞共老，盡日

泣相看。鳥畏聞鶉鳩，花慙

一作愁

背牡丹。何人知此

計，復議出長安。

將歸江南留別友人

連春不得意，所業已疑非。舊國亂離後，新年惆悵歸。雪開還楚地，花惹別秦衣。江徼多留滯，高秋會恐違。

留別從弟郴

同承太嶽胤，俱值太平時。丹陛懷趨計，滄洲負去

期久貧成蹭蹬多病情支離宗分兼交分吾知汝
亦知

送龍州樊使君

曾見邛人說龍州地未深碧溪飛白鳥紅旆映青
林土產唯宜藥王租只貢金政成閒宴日誰伴使
君吟

送防州鄔員外

千溪與萬嶂繚繞復崢嶸太守勞車馬何從駐旆
旌椒香近滿郭漆貨遠通京唯滌雙塵耳東南聽
政聲

送金吾侍御奉使日東

還鄉兼作使到日倍榮親向化雖多國如公有幾
人孤山無返照積水合蒼旻膝下知難住金章已
繫身

送李左丞巡邊

狂戎侵內地左轄去蕭關走馬衝邊雪鳴鞞動塞
山風收枯草定月滿廣沙閉西繞河蘭匝應多隔
歲還

送王侍御赴宣城

朝回離九陌島外賞殘春經宿留閒客看雲作主

人時清難議隱位重亦甘貧崑洞真仙境應休別
臥鄰

送李員外知楊子留務

帝命分留務東南向楚天幾程迴送騎中路見迎
船泊列開山鑄民分酌海煎青雲名素重此去豈
經年

送張員外西川從事

爲郎不入朝自是赴嘉招矛角初離首金章已在
腰劒橫陰綠野棧響近丹霄迎驛應相續懸秋去
路遙

送厲校書從事鳳翔

赴辟依丞相超榮事豈同城池當隴右山水是關
中日有來巴使秋高出塞鴻旬休隨大旆應到九
成宮

送裴拾遺宰下邳

一作赴
畿令

受謫因庭諫茲行不出關直廬辭玉陛上馬向仙
山地古桑麻廣城偏僕御閑縣齋高枕臥猶夢犯
天顏

送王侍御越城令

戴豸忽驅雞東南上句溪路過金谷盡帆轉石城

西水樹連天暗山禽遶縣啼江人諳舊化那復俟
招携

送李頰之南陵主簿

赴縣是還鄉途程豈覺長聽鶯離灞岸盪漿入陵
陽野蕨生公署閒雲拂印床晴天調膳外垂釣有
池塘

送從弟籌任告成尉

海上從戎罷嵩陽佐縣初故人皆美去吾祖舊曾
居地古多生藥溪靈不聚魚唯應尋隱者閑寺講
仙書

送前汝州李侍御罷歸宣城

吟詩早得名，戴豸又加榮。
下國閒歸去，他人少此情。
雲移寒嶠出，燒夾夜江明。
重引池塘思，還登謝朓城。

宣城送進士鄭徽赴舉

長安去是歸，上馬肯沾衣。
水國車通少，秦人楚薦稀。
鴻方離北鄙，葉已下西畿。
好整丹霄步，知音在紫微。

送劉校書遊東魯

內閣勞警校，東邦忽縱遊。
才偏精二雅，分合遇諸

侯暗海龜蒙雨連空趙魏秋如經麟見處駐馬瞰
荒丘

送杜倉曹往滄州觀叔常侍

浮陽橫巨浸南巷擁旌旃別帶秦城雨行聞魏國
蟬磧鴻來每後朝日見常先東一作北鄙雲霞廣高

林間

一作高
秋婚

水天

送友人北遊

北出陰關去何人肯待君無青山擁晉牛濁水通
汾雁塞雖多鴈雲州却少雲茲遊殊不惡莫恨暫

離羣

送人遊蜀

巴興千萬尋此去若爲心蟋蟀既將定獼猴應正
吟劍門秋斷鴈褒谷夜多砧自古西南路艱難直
至今

旅中送人歸九華

分與仙山背多年負翠微無因隨鹿去只是送人
歸頂木晴摩日根嵐曉潤衣會於猿鳥外相對掩
高扉

渭上送人南歸

遠役與歸愁同來渭水頭南浮應到海北去阻無

州楚雨天連地胡風夏甚秋江入如見問爲話復
貧遊

送從弟歸泉州

問省歸南服懸帆任北風何山猶見雪半路已無
鴻瘴雜春雲重星垂夜海空往來如不住亦是一
年中

送省玄上人歸江南

釋律周儒禮嚴持用戒身安禪思刻石留偈別都
人雨合吳江黑潮移海路新餅盂自此去應不更
還泰

送元遂上人歸吳中

落髮在王畿承恩着紫衣
印心誰受請講疏白携
歸泛浦龍驚錫禪雲虎繞扉
吳中知久別菴樹想成園

經故楊太尉舊居

在漢信垂功於唐道更隆
一川留古迹多代仰高
風樹折巢隳烏堦荒草覆
蟲行人過豈少獨駐夕陽中

哭宣城元徵士

高眠終不起遠趣固難知
琴劍今無主園林舊許

誰苔封僧坐石葦漲鶴翹池後代傳青史方欽道
德垂

同薛侍御題興善寺松

何年刷到城滿國嚮高名半寺陰常匝鄰坊景亦
清代都無巧勢風定有餘聲自得天然狀非同澗
底生

白菊

所尚雪霜姿非關落帽期香飄風外別影到月中
疑發在林彫後繁當露冷時人間稀有此自古乃
無詩

五言排律

汴河十二韻

昔年開汴水元應別有由或兼通楚塞寧動爲揚
州直斷平蕪色橫分積石流所思千里便豈計萬
方憂首甚資功濟終難弭宴遊空懷龍舸下不見
錦帆收浪倒長汀柳風欹遠岸樓奔逾懷許竭澄
澈泗濱休路要多行客魚稀少釣舟日開天際晚
鴈合磧西秋一派注滄海幾人生白頭常期身事
畢於此泳東浮

題鄭侍郎隱巖十韻

朝退常歸隱真修大隱清園林應得趣巖谷自爲
名野步難尋寺閑吟少在城樹藏幽洞黑花照遠
村明海石分湖路風泉遞雨聲性高憐散逸官達
厭公卿架引藤重長堦延笋迸生青門無到客紫
閣有來鶯物外身雖隱區中望本情終難依此境

坐

一作
堅

卧避釣衡

題甘露寺

丹檻拂丹霄人寰下瞰遙何年增造化萬古出塵
翳地勢盤三楚江聲換幾朝滿欄皆異藥到頂盡
飛橋澤廣方雲夢山孤數沃焦中宵霞始散經臘

木稀凋鐸動天風度恣明海氣消帶聳分迴堞當
日辨翻潮鳥去沉葭菱帆來映沈濛浮生自多事
無計免迴鑣

送徐侍御充南詔判官

西去安夷落乘輶從節行彤庭傳聖旨異域化戎
情瘴路窮巴徼蠻川過嶠城地偏風自雜天漏日
稀明危棧連空動長江到底清笑宜防狒狒言好
聽猩猩撫諭如敦行歸情自合盟迴期佩印綬何
更見新正

聞蟬十二韻

造化生微物常能

一作宜

應候鳴初離何處樹又發

去年聲

一本此下有未蛻能微動纔飛似解
驚聞來鄰海微恨起過遠城四句

騷屑

隨風遠悠揚類葉輕報秋涼漸至嘶月思偏清互
默疑相答微搖似欲行繁音人已厭朽殼蟻猶爭
朝士嚴冠飾宮嬪逞鬢名亂依西日噪多引北歸
情篠露凝潛吸蛛絲忽迸縈此時吟聽久不覺萬

愁生

一作萬緒
時生

七言律詩

洞庭湖

空江浩蕩景瀟然盡日菰蒲泊釣船青草浪高三

月渡綠楊花撲一溪烟情多莫舉傷春目愁極兼
無買酒錢猶有漁人數家住不成村落夕陽邊

過分水嶺

隴山高共鳥行齊瞰險盤空甚躡梯雲勢崩騰時
向背水聲嗚咽若東西風兼雨氣吹人面石帶冰
稜礙馬蹄此去秦川無別路斷崖窮谷却難迷

成紀書事二首

東吳遠別客西秦懷舊傷時暗酒中滿野多成無
主塚防邊半是異鄉人山河再濶千餘里城市曾
經一百春閑與將軍議戎事伊蘭猶未絕胡塵

蹉跎遠入犬羊中，荏苒將成白首翁。
三楚田園歸未得，五原岐路去無窮。
天垂大野鵬盤草，月落孤城角嘯風。
難問開元向前事，依稀猶認隗囂宮。

將過單于

荒磧連天堡戍稀，日憂蕃寇却忘機。
江山不到處，皆到隴鴈已歸時。
未歸行李亦須携，戰器趨迎當便着。
戎衣并州去路殊，迢遞風雨何當達。
近畿

秦中遇友人

半生南走復西馳，愁過楊朱罷泣岐。
遠夢亦羞歸海徼，貧遊多是滯邊陲。
胡雲不聚風無定，隴路難

行棧更危且暮唯聞語征戰看看已欲廢吟詩

獻獨孤尚書

虛拋南楚滯西秦白首依前衣白身退鷁已經三十載登龍曾見一千人
蒐離爲役詩篇苦淚竭緣嗟骨相貧今日鞠躬高旆下欲傾肝膽杳無因

講德陳情上淮南李僕射八首

天降賢人佐聖時自然聲教滿華夷英明不獨中朝仰清重兼聞外國知
涼夜酒醒多對月曉庭公退半吟詩梁城東下雖經戰風俗猶傳守舊規
多朝軒冕冠乾坤四海皆推聖最尊楚玉已曾分

下玉屑門依舊是龍門筵開樂振高雲動城掩鑿
收落日昏嘗念蒼生如赤子九州無處不沾恩

未領春闈望早清况聯戎閫控強兵風威遍布江
山靜教化高同日月明九郡竟歌兼煮海四方皆
得共和羹東南自此全無事只爲某年政已成

帝念淮壘疫疹頻牢籠山海委名臣古來比德猶
無侶當代同途豈有人夜宴獨吟梁苑月朝遊重
見廣陵春多年疲瘵全蘓息須到謳謠日滿秦

三紀吟詩望一名丹青待得白頭成已期到老還
沾祿無復偷安却養生當宴每垂聽樂淚望雲長

起憶山情朱門舊是登龍客初脫魚鱗膽尚驚
東來淮海拜旌旗不把公卿一字書曾侍晚齋吟
對雪又容華館食兼魚孤微自省恩非次際會誰
知分有餘唯恥舊橋題處在榮歸無計似相如
平生南北逐蓬飄待得名成鬢已凋寒浦一從拋
釣艇舊林無處認風瓢程途雖喜關河盡時節猶
驚骨肉遙愁策屨歸去亂山流水滿翻潮
丹霄空把桂枝歸白首依前着布衣當路公卿誰
見待故鄉親愛自疑非東風乍喜還滄海栖旅終
愁出翠微應念無媒居選限二年須更守漁磯

親仁里雙鷺

雙去雙來日已頻，只應知我是江人。
對歌雪頂思尋木，更振霜翎恐染塵。
三楚幾時初失侶，五陵何樹又棲身。
天然不與凡禽類，傍砌聽吟性自馴。

句

曉嶂猿窺戶，寒湫鹿舐冰。
當空吟待月到，晚坐

看山

以上載紀事云：棠詩多蘊括如此。類有似恬淡絕物者，然非真好也。

十年三

領郡領郡管仙山

贈段成式語林

卷終

戊籤四十六

四十七
同卷

唐音統籤卷

六十五
十四

李昌符字巖夢有詩名與張喬許棠輩同稱十哲

咸通四年登進士第歷膳部員外郎詩一卷

唐志
無宋

志有北夢瑣言昌符久不第常歲卷軸怠於裝
修因出一奇作婢僕詩五十首於公卿間行之決
旬京城盛傳是年登第與夫批杖虛靴事雖不同
用奇無異也詩見辛籤昌符集好事者多割
爲揚靈詩
今悉改正

五言律詩

塞上行

朔野煙塵起天軍又舉戈陰風向晚急殺氣入秋

多一作澹蒼蘆關北孤城帳幕樹盡禽棲草冰堅

書音流籤卷六百五十四

戊

路在河汾陽無繼者

一作尋

羌虜肯先和

秋中夜坐

空庭吟坐久爽氣入荷衣
病葉先秋落驚禽背月飛
瘴雲晴未散戍客老將依
爲應金門策多應說戰機

遠歸別墅

馬首曾行處連嘶渡晚河
忽驚鄉樹出漸識路人多
細徑穿禾黍頽垣壓薜蘿
乍歸猶似客鄰叟亦相過

旅遊傷春

酒醒鄉關遠迢迢聽漏終曙分林影外春盡雨聲
中鳥思鄉村路花殘野岸風十年成底事羸馬倦
西東

晚夏逢友人話舊

一別同袍友相思已十年長安多在客久病忽聞
蟬驟雨纔沾地陰雲不徧天微涼堪話舊移榻晚
風前

得遠書

故人居謫宦今日一書來良久驚兼喜殷勤讀更
開瘴雲沉去鴈江雨促新梅滿紙殊鄉淚沉寃不

可哀

感懷題從舅宅

鄰家庭樹下幾度醉春風今日花還發當時事不
同流言應未息直道竟難通徒遣相思者悲歌向
暮空

與友人會

蟬吟槐葉落的的是愁端病覺離家遠貧知處事
難真交無所隱深語有餘懽未必聞歌次羈心得
暫寬

題友人屋

松底詩人宅，閑門遠岫孤。
數家分小徑，一水截平蕪。
竹節偶相對，鳥名多自呼。
愛君真靜者，欲去又踟蹰。

行思

千里豈云去，欲歸如路窮。
人間無暇日，馬上又秋風。
破月銜高岳，流星拂曉空。
此時皆在夢，行色獨怱怱。

夜泊渭津

漂漂東去客，一宿渭城邊。
遠處星垂岸，中流月滿船。
涼歸夜深簾，秋入雨餘天。
漸覺家山小，殘程尚

幾年

登臨洮望蕭關

漸覺風沙暗蕭關
欲到時兒童能探火
婦女解縫旗川絕
銜魚鷺林多帶箭麋
暫來戎馬地不敢苦
吟詩

下第後蒙侍郎示意指於新先輩宣恩感謝
才薄命如此自嗟兼自疑
遭逢好文日黜落至公
時倚玉甘無路穿楊却未期
更慙君侍坐問許可
言詩

贈同席

四座列吾友滿園花照衣一生知幾度後到擬先
歸急管侵諸樂嚴城送落暉當歡莫離席離席却
歡稀

贈春游侶

密林多暗香輕吹遠啼鳥愁春盡游人喜日
長浮雲橫暮色新雨洗韶光欲散垂恨應須入
醉鄉

贈同遊

此來風雨後已覺減年華若待皆無事應難更有
花管絃臨夜急榆柳向江斜且莫看歸路同須醉

星子新集
酒家

贈供奉僧玄觀

自得曹溪法諸經更不看
已降禪侶久兼作帝師
難夜木侵簷黑秋燈照雨寒
如何嫌有着一念在林巒

尋僧元皎因贈

此生迷有着因病得尋師
話盡山中事歸當月上
時高松連寺影亞竹入窓枝
閒憶草堂路相逢非素期

送人遊邊

愁指蕭關外風沙入遠程馬行初有跡雨落竟無聲
聲地里全歸漢天威不在兵西京逢故老暗喜復時平

送人出塞

北風吹雨雪舉目已悽悽戰鬼秋頻哭征鴻夜不栖
沙平關路直磧廣郡樓低此去非東魯人多事鼓聲

別謫者

此地聞猶惡人言是所之一家書絕久孤驛夢成
遲八月三湘道聞猿冒雨時不須祠楚相臣節轉

堪疑

送琴客

楚客抱離思，蜀琴留恨聲。
坐來看月落，聽久覺秋生。
夜靜騷人語，天高別鶴鳴。
因君興一嘆，竟夕亦難平。

五言排律

送人入新羅使

雞林君欲去，立冊付星軺。
越海程難計，征帆影自飄。
望鄉當落日，懷關美迴潮。
宿霧蒙青嶂，驚波蕩碧霄。
青春生陽氣，早天接祖州。
遙愁約三年外相迎。

上石橋

寄栖白上人

剪髮兼成隱，將心更屬文。
無慘對豪客，不拜謁吾君。
畫壁惟泉石，經窓半典墳。
歸林幽鳥狎，乞食病僧分。
默坐終清夜，凝思念碧雲。
相逢應未卜，余正走囂氛。

七言律詩

客恨

古原南北舊蕭疎，高木風多小雪餘。
半夜病吟人寢後，百年閒事酒醒初。
頻招兄弟同佳節，已有兵

戈隔遠書肥馬王孫定相笑不知岐路厭樵漁

秋夜作

數畝池塘近杜陵秋天寂寞夜雲凝芙蓉葉上三更雨蟋蟀聲中一點燈跡避險巇翻失路心歸閒
不
因
僧
旣
逢
上
國
陳
詩
日
長
守
林
泉
亦
未
能

南潭

匝岸青蕪掩古苔面山亭榭枕潭開有時絃管收
筵
促
無
數
鳧
鷺
逆
浪
來
路
入
龍
祠
羣
木
老
風
驚
漁
艇
一
聲
迴
人
傳
郭
暉
多
游
此
誰
見
當
初
泛
玉
杯

送友人

舉世誰能與事期解携多是正權時人間不遺有
名利陌上始應無別離晚渡待船愁立久辭山投
店獨行遲我今漂泊還如此江劍相逢亦未知

詠鐵馬鞭

并引

鐵馬鞭長慶二年義成軍節度使曹華進獻曰
得之泮水有字刻云貞觀四年尉遲敬德字

尚
在

漢將臨流得鐵鞭鄂侯名字舊雕鐫須爲聖代無
雙物肯逐將軍臥九泉汗馬不侵誅虜血神功今
見補亡篇時來終薦明君用莫歎沉埋二百年

五言絕句

傷春

卽是春風盡
仍霑夜雨歸
明朝更來此
兼恐落花稀

七言絕句

綠珠詠

洛陽佳麗與芳華
金谷園中見百花
誰遣當年墜樓死
無人巧笑破孫家

悶書

病來難處早秋天
一徑無人樹有蟬
歸計未成書半卷
中宵多夢晝多眠

三月盡日

江頭從此管絃稀散盡游人獨未歸落日已將春色去殘花應逐夜風飛

贈別

又將孤劍出孤舟盡日停橈結遠愁莫道江波話離別江波一去不迴流

戊籤四十七

劇燕蒲坂人爲詩雅正亦十哲之一也後客王重榮被殺集卷無考

句

唐音統纂

卷六百五十四

八

戌

祗向國門安四海不離鄉井拜三公

贈王重榮紀事初重榮

錄河中燕投此詩甚加禮敬竟
以凌轢諸從事受正平之禍